

CONVENIO DE COLABORACIÓN ENTRE A CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL E A UNIVERSIDADE DE SANTIAGO DE COMPOSTELA, PARA REGULAR A UTILIZACIÓN DE ESPAZOS ENTRE A FACULTADE DE FORMACIÓN DO PROFESORADO DA USC, O CEIP ANEXA E O CIFP POLITÉCNICO DE LUGO

MEMORIA XUSTIFICATIVA

O secretario xeral técnico da Consellería de Educación, Ciencia, Universidades e Formación Profesional

DECLARA:

Que a Consellería de Educación, Ciencia, Universidades e Formación Profesional formalizou coa Universidade de Santiago de Compostela o instrumento convencional arriba referido por un período de vixencia de dous anos dende o día da súa sinatura.

Que o instrumento convencional ten por obxecto regular as condicións de acceso, conservación e utilización do pavillón deportivo da Facultade de Formación do Profesorado e do pavillón polideportivo do CIFP Politécnico, así como establecer un marco de colaboración en aras dun emprego óptimo e eficiente destes locais para as dúas entidades.

Que existe converxencia de intereses entre as entidades asinantes en orden á consecución obxecto referido.

Que o instrumento convencional asinado fundamentase no seguinte:



Primeiro.- Que a Consellería de Educación, Ciencia, Universidades e Formación Profesional é o órgano superior da Administración xeral da Comunidade Autónoma de Galicia para a ordenación, planificación e execución das competencias en materia de ensinanzas de educación infantil, primaria, secundaria, bacharelato e formación profesional. A Consellería é a titular do edificio e instalacións do CIFP Politécnico na rúa Armando Durán da cidade de Lugo.

Segundo.- Que a USC é unha entidade de dereito público que, xunto coa misión docente, realiza actividades de investigación e desenvolvemento científico e tecnolóxico o que a configura coma un dos principais axentes xeradores de coñecemento en Galicia. Que a USC posúe o edificio e instalacións da Facultade de Formación do Profesorado na avenida Ramón Ferreiro da cidade de Lugo.

Terceiro.- Que no ano 2011 chegouse a un acordo entre a Facultade de Formación do Profesorado da USC e o CEIP Anexa de Lugo, para que o local que viña utilizando este último centro como ximnasio retornara á Facultade para transformalo en aula de plástica. A cambio, a Facultade de Formación do Profesorado cedeu o uso do seu pavillón deportivo ao CEIP Anexa para que puidera desenvolver nel as clases de Educación Física. Por tal motivo, a Facultade de Formación do Profesorado tamén chegou a un acordo co CIFP Politécnico de Lugo para utilizar o seu Pavillón Polideportivo para impartir nel a docencia das materias relacionadas coa didáctica da expresión corporal.

Cuarto.- Os convenios entre administracións públicas constitúen un elemento adecuado para desenvolver a súa cooperación en cuestións de interese común.

Quinto.- Que coa sinatura do presente convenio a USC autoriza o uso do pavillón deportivo da Facultade de Formación do Profesorado ao CEIP Anexa; e pola súa parte a Consellería autoriza o uso do pavillón polideportivo do CIFP Politécnico á Facultade de Formación do Profesorado da USC, que terá prioridade de uso. Non obstante, a Facultade poderá utilizar as súas instalacións fóra do horario escolar do CEIP Anexa e o CIFP Politécnico poderá facer uso das súas fóra do horario de ocupación por parte da Facultade.

Con este convenio trátase de permitir un uso das instalacións fóra do horario de cada institución, de modo que se logre un uso eficiente e eficaz dos recursos públicos.



Sexto.- O presente convenio non supón cesión algunha de titularidade da superficie non existindo obrigas ou compromisos económicos entre as partes, manténdose, polo tanto, a competencia da administración autonómica titular sobre a xestión e ordenación de dichos espazos.

O presente Convenio ten natureza administrativa, conforme o disposto nos artigos 47 e seguintes da Lei 40/2015, do 1 de outubro, de Réxime Xurídico do Sector Público, non tendo por obxecto prestacións propias dos contratos.

O convenio non supón achega económica algunha polas partes asinantes. Cada unha das partes asumirá, como ata agora, os custes das subministracións e do mantemento das súas instalacións.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O secretario xeral técnico da Consellería de Educación, Ciencia, Universidades e Formación Profesional

Manuel Vila López

